






15

Ory





696.  
17.  
47





# Le cry & procla-

mation publique : pour iouer le mistere des  
Actes des Apostres / en la Ville de Paris :  
faict le Jeudy seiziesme iour de Decembre  
lan mil cinq cens quarante : Par le comman-  
dement du Roy nostre sire / Francoys premier  
de ce nom : et monsieur le Preuost de Paris /  
affin de venir prendre les roolles pour iouer  
ledict mistere.

On les vend à Paris, en la rue neufue no-  
stre dame: à l'enseigne saint iehan Bapti-  
ste , pres sainte Geneuiefue des Ardens:  
en la boutique de Denys lanot.

1541.

1900 S 494

Paris

1830





**C**E iour dessusdict : enuiron  
huict heures du matin: fut fai  
cte l'assemblee en l'hostel de  
Flandres: lieu estably pour  
iouer ledict mistere: Assauoir  
tant des maistres entrepre  
neurs dudict mistere: que gens de Justice ple  
beyens & aultres gens ayans charge de la  
cōduicte diceluy: Rethoriciens et aultres gēs  
de longue robbe et de courte.

**C**Et premierement marchoyēt six trompet  
tes ayans bauerolles a leurs tubes et bucci  
nes: armoyez des armes du Roy nostre sire.  
Entre lesquelles estoit pour conduicte la trom  
pette ordinaire de la Ville: accompagnez du  
crieur iure: estably a faire les crys de Justice  
en lad Ville: tous biens montez selon leur  
estat.

**C**Après marchoit vng nombre de sergēs &  
archers du Preuost de Paris/ vestuz de leurs  
hocquetons paillez d'argent: aux liurees et ar  
mes tant du Roy que dud seigneur Preuost:  
pour dōner ordre & conduicte: & empescher loy  
pression du peuple / et lesdictz archers bien  
montez comme au cas est requis.

¶ Puis après marchoyēt vng nōbre d'officiers et sergēs de la Ville: tant du nōbre de la marchādise que du parloir aux Bourgeois vestuz de leurs robbes my parties de couleurs de lad. Ville avec leurs enseignes qui sont les Navires d'argēt: iceulx tous bien mōtez cōde dessus.

¶ En apres marchoiēt deux hōmes establis pour faire lad' proclamatiō: vestuz de sayes de velours noir: portās manches perdues de satin de troys couleurs: Assavoir/iaulne/gris/et bleu/ qui sont les liurees desdictz entrepreneurs: et bien montez sur bons cheuaulx.

¶ Apres marchoyent les deux directeurs dudict mistere Rethoriciens. Assavoir vng hōme ecclesiastique et laultre lay: vestuz honnestement: et bien montez selon leur estat.

¶ Item alloiēt apres les quatre entrepreneurs dudict mistere: vest<sup>o</sup> de chamarres de taffetas armoyssi: et pour poiēt de velours le tout noir: biē mōtez: et leurs cheuaulx garniz de housses.

¶ Atē apres ce train marchoiēt quatre cōmissaires examinateurs: au Chastelet de Paris: montez sur mulles garnies de housses: pour accōpaigner lesdictz entrepreneurs.

¶ En semblable ordre marchoiēt vng grād

nombre des Bourgeois/marchans/ & aultres gens de la Ville: tant de longue robe que de courte : tous bien montez selon leur estat et capacite.

**C** Et fault noter quen chascun carrefour ou se faisoit lad publication deux desdictz entrepreneurs se ioignoient avec les deux establis cy deuât nommez: et apres le son desdictz six trompettes s'one par trois fois : et lexhortatiõ de la trompette ordinaire de lad Ville : faicte de par le Roy nostredict seigneur: & monsieur le Preuost de Paris: feirent lesdictz quatre dessus nommez ladicte proclamation en la forme et maniere qui sensuyt.

Le cry & proclamation de l'entreprinse  
dudict mistere des Actes des Apo-  
stres adressant aux Citoyens de la-  
dicte Ville de Paris.



Pour ne tumber en dānable decours  
En noz iours cours aux bibliēs di-  
scours

Auoir recours: le tēps nous admon-  
nestē:

Pendant que paix: estant nostre secours:  
Nous dict ie cours es Royaulmes es cours  
En plaisant cours faisons quelle sarreste  
La saison preste a souuent chaulue teste:  
Et pource honneste oeuvre de catholicques  
On faict scauoir a son: et crys publicques  
Que dans Paris vng mistere sappreste:  
Representant Actes Apostolicques.

Nostre bon Roy que Dieu garde puissant  
Bien le consent au faict impartissant  
Pouvoir recent: de son auctorite  
Dont chascun doit vouloir que florissant  
Son noble sang des Fleurs de Lys yssant  
Soit et croissant en sa felicite

Venez Cite/Ville/Uniuersite:  
Tout est cite/venez gens heroycques  
Graues/censeurs/magistratz/politicques:  
Exercez vous au ieu de verite:  
Representant Actes Apostolicques.

Lon y semond/Poetes/Orateurs  
Drays precepteurs/deloquence amateurs  
Pour directeurs de si sainte entreprise  
Mercuriens: & aussi cronicqueurs  
Riches rimeurs des barbares vainqueurs  
Et des erreurs de langue mal apprise  
L'heure est precise: ou se tiendra lassise  
La sera prise au rapport des tragicques  
L'election des plus experts senicques  
En geste et voix au teatre requise:  
Representant Actes Apostolicques.

Douloir nauons en ce commencement  
Desbatement fors prendre enseignement  
Et iugement sur chascun personnage  
Pour les roollets bailler entierement  
Et veoir comment lon iouera proprement  
Si fault coment: ou teste dauantage  
Mys ce partage a vostre conseil saige

Doibt tout courage: hors les cueurs paganie  
ques

Lutheriens espritz diabolicques

Auctoriser ce mistere et ymage:

Representant Actes Apostolicques.

Prince puissant sans toy toute rencontre

Est mal encôtre et nostre oeuvre imparfaict

Nous te prions que par grace se monstre

Le ieu: la monstre & tout le reste faict

Puis le meffaict de noz chemins oblicques

Pardonne nous apres ce ieu parfaict:

Representant Actes Apostolicques.

Fin de la proclamation.

✥ Et pour lassignation du iour & lieu estably  
a venir prêdre roolles dudict mistere: fut signi  
fie a tous: de soy trouver le iour & feste Saïct  
Estienne premier ferie de Noel ensuiuant: en  
la salle de la Passion: lieu accoustume a faire  
les recordz & repetitiôs des misteres iouez en  
ladicte ville de Paris / lequel lieu biē tēdu de  
riche tappisserie: sieges et bâcz pour recepuoir  
toutes personnes honnestes et de vertueuses  
qualitez: assisterēt grād nōbre de bourgeois &  
marchans / et aultres gēs tant cleres que lays

en la presence des Commissaires: & gens de iu-  
stice establis & deputez pour ouyr les voix de  
chascun personnage: et iceulx retenir com-  
pter: selon la valeur de leur biē faict en tel cas  
requis/ qui fut vne reception honneste. Et de-  
puis lesdictes iournees se continuēt & conti-  
neront chascun iour audict lieu iusques a la  
perfection dudict mistere.



Cette réimpression *Figurée* a été exécutée sur le seul exemplaire connu, appartenant à la bibliothèque royale.

On s'est appliqué à reproduire dans toutes ses parties, et le plus exactement possible, un opuscule dont les amateurs ne possèdent encore que des copies imprimées ou manuscrites, qui laissent beaucoup à désirer sous le rapport de l'exécution.

On fera remarquer qu'une main qui nous est inconnue, a indiqué à la marge du recto du second feuillet de l'exemplaire original, les nommés HAMELIN, POTRAIN, LOUVET, CHOLLET, comme étant *les quatre entrepreneurs du dict mistere*.

Les Éditeurs, en donnant à quelques bibliophiles les moyens d'ajouter une rareté de plus à leur collection, ont senti qu'en reproduisant cet opuscule à trop grand nombre, ce serait en diminuer le prix. C'est pour obvier à cet inconvénient qu'ils l'ont fait tirer à *quarante-deux exemplaires seulement*, dont 32 sur papier de Hollande, 4 sur papier de Chine rose, 4 sur papier de Chine azuré, et *deux* sur VÉLIN.

G. V.

Achevé d'imprimer, le 5 mai 1830, chez J. PINARD, Imprimeur du Roi, rue d'Anjou-Dauphine, n° 8, à Paris.









D 1 1989

ULB Halle

3

005 365 430



269



Inches  
1 2 3 4 5 6 7 8 9 10 11 12 13 14 15 16 17 18 19  
Centimetres

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

# Le cry & procla-

mation publique : pour iouer le mistere des Actes des Apostres / en la Ville de Paris : fait le Jedy seiziesme iour de Decembre lan mil cinq cens quarante : Par le commandement du Roy nostre sire / Francoys premier de ce nom : et monsieur le Preuost de Paris / affin de venir prendre les roolles pour iouer ledict mistere.

On les vend à Paris, en la rue neufue nostre dame : à l'enseigne saint iehan Baptiste , pres sainte Geneuiefue des Ardens : en la boutique de Denys lanot.

1541.

1900 S 494

Paris

1830

